



აჭარის ავტონომიური რესპუბლიკის უმაღლესი საბჭოს ბიუროს სხდომის

ბაზარული გადაწყვეტილება №12

ადამიანის უფლებათა დაცვის საკითხთა კომისიის დებულების
დამტკიცების შესახებ

აჭარის ავტონომიური რესპუბლიკის უმაღლესი საბჭოს ბიურო
გადაწყვიტა:

დამტკიცდეს აჭარის ავტონომიური რესპუბლიკის უმაღლესი საბჭოს
ადამიანის უფლებათა დაცვის საკითხთა კომისიის დებულება (თან ერთვის).


აჭარის ავტონომიური რესპუბლიკის
უმაღლესი საბჭოს თავმჯდომარე

ა. ქარა

დაგით გაბაიძე

ჩაქვი,
13 დეკემბერი, 2016 წელი
№3

“დამტკიცებულია”
აჭარის ავტონომიური რესპუბლიკის
უმაღლესი საბჭოს ბიუროს 2016 წლის
13 დეკემბრის №12 გადაწყვეტილებით


დავით გაბაიძე
უმაღლესი საბჭოს თავმჯდომარე

აჭარის ავტონომიური რესპუბლიკის უმაღლესი საბჭოს აღაშიანის უფლებათა დაცვის საპითხოს პომისიის

დ ე ბ უ ლ ე ბ ა

მუხლი 1. ზოგადი დებულებანი

1. წინამდებარე დებულება განსაზღვრავს აჭარის ავტონომიური რესპუბლიკის უმაღლესი საბჭოს (შემდგომში – უმაღლესი საბჭო) ადამიანის უფლებათა დაცვის საკითხთა კომისიის (შემდგომში – კომისია) უფლებამოსილებას, შექმნის, საქმიანობისა და გადაწყვეტილებათა მიღების წესებს, აგრეთვე კომისიის თავმჯდომარის, მოადგილის, წევრთა უფლებამოსილებასა და კომისიის საქმიანობასთან დაკავშირებულ სხვა საკითხებს.

2. კომისია არის უმაღლესი საბჭოს მუდმივმოქმედი ორგანო, რომელიც თავის საქმიანობას წარმართავს „აჭარის ავტონომიური რესპუბლიკის სტატუსის შესახებ“ საქართველოს კონსტიტუციური კანონის, აჭარის ავტონომიური რესპუბლიკის კონსტიტუციის, უმაღლესი საბჭოს რეგლამენტის, სხვა საკანონმდებლო აქტებისა და ამ დებულების შესაბამისად.

3. კომისია თავისი კომპეტენციის ფარგლებში ახორციელებს საკონტროლო და კანონშემოქმედებით საქმიანობას.

4. კომისია ახორციელებს საკანონმდებლო საკითხების წინასწარ შემუშავებას, განსილვას და უმაღლესი საბჭოს პლენარული სხდომისათვის მომზადებას, ხელს უწყობს აჭარის ავტონომიური რესპუბლიკის კანონების, უმაღლესი საბჭოს დადგენილებებისა და სხვა გადაწყვეტილებების შესრულებას, თავისი კომპეტენციის ფარგლებში კონტროლს უწევს უმაღლესი საბჭოს წინაშე ანგარიშვალდებული ორგანოებისა და აჭარის ავტონომიური რესპუბლიკის მთავრობის საქმიანობას.

მუხლი 2. კომისიის უფლებამოსილებანი

კომისია კანონმდებლობით დადგენილი კომპეტენციის ფარგლებში:

ა) შეიმუშავებს, განიხილავს და უმაღლესი საბჭოს პლენარული სხდომისათვის ამზადებს კანონების, უმაღლესი საბჭოს დადგენილებებისა და სხვა გადაწყვეტილებების შესრულებას;

ბ) შესაბამისი პეტიციის საფუძველზე შეისწავლის ადმინისტრაციული ორგანოების საქმიანობას, საჭიროების შემთხვევაში გამოითხოვს შესაბამის მასალებს და დასკვნას განსახილველად წარუდგენს უმაღლეს საბჭოს;

გ) აწარმოებს მოქალაქეთა მიღებას, განიხილავს კომისიაში შემოსულ განცხადებებსა და საჩივრებს;

დ) თანამშრომლობს ადამიანის უფლებათა დაცვის სფეროში მოქმედ ორგანიზაციებთან.

ე) განიხილავს და რეაგირებს ფიზიკური და იურიდიული პირების წერილებსა და განცხადებზე იმ საკითხებთან მიმართებაში, რომლებიც შედიან კომისიის კომპეტენციაში.

ვ) მონაწილეობს უმაღლეს საბჭოში შემოსული კანონპროექტების განსილვა-დამუშავებაში, ამზადებს დასკვნებს და კანონპროექტების თაობაზე წარმოდგენილი

შენიშვნების გათვალისწინების ამსახველ ფურცელს გადასცემს უმაღლესი საბჭოს შესაბამის ორგანოს;

ზ) განიხილავს აჭარის ავტონომიური რესპუბლიკის რესპუბლიკური ბიუჯეტის პროექტს და შეიმუშავებს დასკვნას;

თ) განიხილავს აჭარის ავტონომიური რესპუბლიკის მთავრობის თავმჯდომარისა და აჭარის ავტონომიური რესპუბლიკის მთავრობის წევრთა კანდიდატურებს, ასევე იმ თანამდებობის პირთა კანდიდატურებს, რომლებსაც ირჩევს, ამტკიცებს და რომელთა დანიშვნაზე თანხმობას იძლევა უმაღლესი საბჭო და შესაბამის დასკვნებს წარუდგენს უმაღლესი საბჭოს ბიუროს;

ი) ახორციელებს კონტროლს უმაღლესი საბჭოს წინაშე ანგარიშვალდებული ორგანოებისა და აჭარის ავტონომიური რესპუბლიკის მთავრობის საქმიანობაზე და საჭიროების შემთხვევაში შესაბამის დასკვნას წარუდგენს უმაღლეს საბჭოს;

კ) წყვეტს თავისი საქმიანობის ორგანიზაციულ საკითხებს;

ლ) სარგებლობს საკანონმდებლო ინიციატივის უფლებით;

მ) ახორციელებს უმაღლესი საბჭოს რეგლამენტითა და სხვა საკანონმდებლო აქტებით დადგენილ სხვა უფლებამოსილებებს.

მუხლი 3. კომისიის შემადგენლობა

1. კომისია შედგება კომისიის თავმჯდომარის, მოადგილისა და წევრებისაგან. კომისიის შემადგენლობაში შეიძლება იყოს მხოლოდ უმაღლესი საბჭოს წევრები.

2. კომისიის შემადგენლობა განისაზღვრება ფრაქციათა წარმომადგენლობისა და უმაღლესი საბჭოს იმ წევრთა რაოდენობის პროპორციულად, რომლებიც არ შედიან არცერთ ფრაქციაში.

3. კომისიაში წევრთა რაოდენობასა და ფრაქციათა პროპორციული წარმომადგენლობის კვოტებს დადგენილებით ამტკიცებს უმაღლესი საბჭო.

4. კომისიის შემადგენლობაში არ შეიძლება იყოს უმაღლესი საბჭოს თავმჯდომარე.

5. კომისია უმაღლესი საბჭოს რეგლამენტით დადგენილი წესით თავის წევრთაგან კომისიის სიითი შემადგენლობის უმრავლესობით ირჩევს კომისიის თავმჯდომარის მოადგილეს და ამის შესახებ აცნობებს უმაღლესი საბჭოს ბიუროს.

6. კომისიის თავმჯდომარის თანამდებობიდან გადაყენების, გადადგომისა და კომისიის ახალი თამჯდომარის არჩევის წესი განისაზღვრება უმაღლესი საბჭოს რეგლამენტით.

7. კომისიის წევრს შეუძლია ნებისმიერ დროს გავიდეს კომისიის შემადგენლობიდან.

8. კომისიას წარმოადგენს კომისიის თავმჯდომარე.

9. კომისიის თავმჯდომარე:

ა) იწვევს და წარმართავს კომისიის სხდომებს;

ბ) ხელს აწერს კომისიის გადაწყვეტილებებს, დასკვნებს, სხდომის ოქმებს;

გ) საერთო ხელმძღვანელობას უწევს კომისიის აპარატს;

დ) ყოველი წლის შედეგების მიხედვით, საშემოდგომო სესიის დაწყებისთანავე უმაღლეს საბჭოს წარუდგენს კომისიის საქმიანობის მოკლე წერილობით ანგარიშს;

ე) ახორციელებს უმაღლესი საბჭოს რეგლამენტით მისთვის მინიჭებულ სხვა უფლებამოსილებას;

10. კომისიის თავმჯდომარის გადაყენების, გადადგომის, მის მიერ უფლებამოსილებათა განხორციელების შეუძლებლობის ან მისი, როგორც უმაღლესი საბჭოს წევრის უფლებამოსილების გადამდე შეწყვეტის შემთხვევაში კომისიის თავმჯდომარის მოვალეობას ასრულებს კომისიის თავმჯდომარის მოადგილე.

11. კომისიის თავმჯდომარის მოადგილე:

ა) თავმჯდომარის არყოფნის შემთხვევაში რეგლამენტით დადგენილი წესით ასრულებს მის მოვალეობას;

ბ) თავმჯდომარის დავალებით ასრულებს ცალკეულ დავალებებს.

მუხლი 4. კომისიის მუშაობის ორგანიზაცია

1. კომისიის პირველ საორგანიზაციო სხდომას იწვევს კომისიის თავმჯდომარე არჩევიდან 3 დღის ვადაში. პირველი საორგანიზაციო სხდომა შეიმუშავებს კომისიის დებულებას და ირჩევს კომისიის თავმჯდომარის მოადგილეს. პირველი საორგანიზაციო

სხდომის ოქმი და კომისიის დებულება დასამტკიცებლად წარედგინება უმაღლესი საბჭოს ბიუროს.

2. კომისიის სხდომებს იწვევს და წარმართავს კომისიის თავმჯდომარე, ხოლო მისი არყოფნისას მისი მოადგილე. კომისიის სხდომების პერიოდულობას განსაზღვრავს კომისია, მაგრამ არანაკლებ თვეში ერთი სხდომისა სახესიო პერიოდში (სესიებს შორის პერიოდში კომისია არ არის ვალდებული გამართოს კომისიის სხდომა). კომისია ვალდებულია უმაღლესი საბჭოს ან უმაღლესი საბჭოს ბიუროს დაგალებით, მის მიერ განსაზღვრულ ვადაში გამართოს სხდომა და განიხილოს საკითხი.

3. კომისიის სხდომა უფლებამოსილია, თუ მას ესწრება კომისიის წევრთა სიითი შემაღებულობის უმრავლესობა.

4. კომისიის სხდომის მასალები ურიგდება და ინფორმაცია მისი დღის წესრიგისა და თარიღის შესახებ ეცნობება კომისიის წევრებს, როგორც წესი სხდომამდე არაუგვიანეს ერთი დღისა.

5. კომისიის წევრი ვალდებულია ესწრებოდეს კომისიის სხდომას და მონაწილეობა მიიღოს მის მუშაობაში. თუ უმაღლესი საბჭოს წევრი კალენდარული თვის განმავლობაში არასაპატიო მიზეზით ორჯერ არ დაესწრება კომისიის სხდომას, მას დაეკისრება ჯარიმა გაცდებილი დღის ხელფასისა და უმაღლესი საბჭოს წევრის უფლებამოსილების განსხორციელებასთან დაკავშირებული სხვა ანაზღაურების ოდენობით. უმაღლესი საბჭოს წევრის კომისიის სხდომაზე დაუსწრებლობის ფაქტი ფორმდება საოქმო ჩანაწერით, კომისიის სხდომის თავმჯდომარის მიერ აღირიცხება და ეგზავნება უმაღლესი საბჭოს აპარატსა და ბუღალტერიას შესაბამისი თანხის დასაკავებლად.

6. კომისია ყოველთვიურად უმაღლესი საბჭოს კომისიების მიერ მიწოდებული ინფორმაციის შედეგად ადგენს კომისიის სხდომების გამცდენი უმაღლესი საბჭოს წევრების სიას, თითოეული მათგანის მიერ გაცდენილი სხდომების რაოდენობისა და თარიღის მითოებით. აღიშნული მონაცემების სისტორის შესწავლის შემდეგ უზრუნველყოფს მის გამოქვეყნებას პრესაში.

7. კომისიის სხდომაზე გადაწყვეტილება მიიღება ლია ან ფარული კენჭისყრით, სხდომაზე დამსწრე კომისიის წევრთა ხმების უმრავლესობით, მაგრამ არანაკლებ სხდომის გასსხისათვის (უფლებამოსილების დადგენისათვის) საჭირო ხმების ნახევრისა, გარდა უმაღლესი საბჭოს რეგლამენტით გათვალისწინებული შემთხვევებისა. ლია კენჭისყრის დროს ხმების თანაბრად გაყოფისას გადაწყვეტია სხდომის თავმჯდომარის ხმა.

8. კომისიის რიგგარეშე სხდომას იწვევს კომისიის თავმჯდომარე თავისი ინიციატივით ან უმაღლესი საბჭოს თავმჯდომარის, უმაღლესი საბჭოს ბიუროს, კომისიის წევრთა ნახევარზე მეტის მოთხოვნით. კომისიის რიგგარეშე სხდომის თარიღი კომისიის წევრებს, როგორც წესი ეცნობება სხდომამდე არაუგვიანეს 1 დღისა.

9. კომისიის სხდომის დღის წესრიგს განსაზღვრავს კომისიის თავმჯდომარე თავისი ინიციატივით ან კომისიის წევრის (წევრების) მოთხოვნით. დღის წესრიგიდან საკითხის მოხსნა ან დღის წესრიგში ახალი საკითხის შეტანის თაობაზე გადაწყვეტილება მიიღება კომისიის წევრთა უმრავლესობით.

10. კომისიის სხდომა საჯაროა. განსაკუთრებულ შემთხვევაში კომისია ატარებს დახურულ სხდომას. დახურული სხდომის გამართვის თაობაზე გადაწყვეტილება მიიღება კომისიის სხდომაზე დამსწრე წევრთა უმრავლესობით. დახურულ სხდომაზე დასწრების უფლება აქვთ უმაღლესი საბჭოს წევრებს, ასევე კომისიის გადაწყვეტილებით - სხვა პირებსაც.

11. კომისიის სხდომას სათათბირო ხმის უფლებით შეიძლება დაესწრონ უმაღლესი საბჭოს წევრები, აჭარის ავტონომიური რესპუბლიკის მთავრობის წევრები და მოწვეული პირები.

12. კომისიის სხდომაზე დასასწრებად შეიძლება მოწვეულ იქნენ საზოგადოებრიობის დაინტერესებული წარმომადგენლები, რომელთაც სხდომის თავმჯდომარის გადაწყვეტილებით მიეცემა სიტყვის გამოსვლის უფლება.

13. კომისიის სხდომაზე დასასწრებად შეიძლება მოწვეულ იქნენ დადგენილი წესით აკრედიტირებული მასობრივი ინფორმაციის საშუალებათა წარმომადგენლები. შესაძლებელია მოწყობის კომისიის სხდომის ტელერადიორეპორტაჟი და სხდომის შედეგების შესახებ ინფორმაცია გამოქვეყნდეს პრესაში.

14. უმაღლესი საბჭოს თავმჯდომარის მოთხოვნით, ბიუროს ან შესაბამისი კომისიების გადაწყვეტილებით, შეიძლება ჩატარდეს კომისიების ერთობლივი სხდომა.

ერთობლივ სხდომაზე განხილულ საკითხებთან დაკავშირებით კომისიები ცალ-ცალკე პენჭისყრით იღებენ შესაბამის გადაწყვეტილებას.

15. კომისიის სხდომის შესახებ დგება ოქმი, რომელსაც ხელს აწერს თავმჯდომარე ან/და მოადგილე, თუ ის უძლვება სხდომას, აგრეთვე კომისიის აპარატის პასუხისმგებელი პირი.

16. კომისია უფლებამოსილია გამართოს გასვლითი სხდომა.

მუხლი 5. კომისიის საქმიანობის ძირითადი მიმართულებები კომისიის საქმიანობის ძირითადი მიმართულებებია:

ა) ადამიანის უფლებათა საკითხებზე საკანონმდებლო ბაზის სრულყოფა და მის განხორციელებაზე მონიტორინგი;

ბ) ადამიანის უფლებათა სფეროში პოლიტიკის შემუშავებასა და განხორციელებაში მონაწილეობა;

გ) ადამიანის უფლებათა საკითხებზე მიღებული საკანონმდებლო აქტების, დადგენილებებისა და სხვა გადაწყვეტილებების შესრულების კონტროლი.

მუხლი 6. კომისიის საქმიანობის ორგანიზაციული უზრუნველყოფა

1. კომისიის საქმიანობის უზრუნველსაყოფად იქმნება კომისიის აპარატი, რომელიც წარმოადგენს კომისიისადმი დაქვემდებარებულ უმაღლესი საბჭოს მუდმივმოქმედ სტრუქტურულ ერთეულს.

2. კომისიის აპარატი:

ა) მონაწილეობს კანონპროექტების, უმაღლესი საბჭოს დადგენილებებისა და სხვა გადაწყვეტილებათა პროექტების, კომისიის გადაწყვეტილებათა პროექტების შემუშავებაში, კანონპროექტებზე დასკვნების, შენიშვნებისა და წინადადებების მომზადებაში, კომისიის საკონტროლო, ორგანიზაციულ და სხვა საქმიანობაში;

ბ) ახორცილებს საკონსულტაციო და ანალიტიკურ ფუნქციებს, ორგანიზაციულ-ტექნიკურ მომსახურებასა და საქმისწარმოებას;

გ) ასრულებს კანონმდებლობით, უმაღლესი საბჭოს რეგლამენტით, ამ დებულებით, აგრეთვე უმაღლესი საბჭოს აპარატის, კომისიის აპარატის დებულებებით განსაზღვრულ სხვა ფუნქციებს;

3. კომისიის აპარატის შტატებს და შრომის ანაზღაურების პირობებს კომისიის თავმჯდომარის წინადადების გათვალისწინებით განსაზღვრავს უმაღლესი საბჭოს აპარატის უფროსი და დასამტკიცებლად წარუდგენს უმაღლესი საბჭოს თავმჯდომარეს.

4. კომისიის აპარატის შემადგენლობაში შედიან კომისიის აპარატის უფროსი და სპეციალისტები (საშტატო განრიგით გათვალისწინებული მოხელეები და მოწვევული სპეციალისტები), რომელთა უფლება-მოვალეობები განისაზღვრება კანონმდებლობით, ამ დებულებით, აგრეთვე უმაღლესი საბჭოს აპარატისა და კომისიის აპარატის დებულებებით.